

Produženje važenja privremenog izuzeća od primjene MSFI-ja 9

Izmjene i dopune MSFI-ja 4

Izmjene i dopune MSFI-ja 4 Ugovori o osiguranju

Uvode se izmjene i dopune tačaka 20A., 20J. i 20O. Novi tekst je podvučen a brisani precrtan.

Privremeno izuzeće od primjene MSFI-ja 9

20A. MSFI 9 uređuje računovodstvo za finansijske instrumente i važi za godišnje periode koji počinju 1. januara/siječnja 2018. godine ili kasnije. Ovaj standard, međutim, osigurateljima koji zadovoljavaju kriterije iz tačke 20B. nudi privremeno izuzeće u skladu s kojim im je dopušteno, ali nisu dužni za godišnje periode koji počinju prije 1. januara/siječnja ~~2023~~2024. godine umjesto MSFI-ja 9 primjenjivati MRS 39 *Finansijski instrumenti: priznavanje i mjerenje*. Osiguratelj koji koristi dato privremeno izuzeće od primjene MSFI-ja 9 će:

(a) ...

...

20J. Subjektu za kog ponovna procjena (vidjeti tačku 20G. (a)) pokaže da je prestao zadovoljavati uslove za korištenje privremenog izuzeća od primjene MSFI-ja 9 je dopušteno da nastavi koristiti to privremeno izuzeće samo do kraja godišnjeg perioda koji je počeo neposredno nakon ponovne procjene. Ipak, takav subjekat je dužan primjenjivati MSFI 9 na godišnje periode početno od 1. januara/siječnja ~~2023~~2024. godine ili kasnije. Na primjer, subjektu koji primjenjujući tačku 20G. (a) 31. decembra/prosinca 2018. godine (na kraju godišnjeg perioda) utvrdi da više ne zadovoljava uslove za korištenje privremenog izuzeća od primjene MSFI-ja 9 je dopušteno da nastavi koristiti to privremeno izuzeće samo do 31. decembra/prosinca 2019. godine.

...

Privremeno izuzeće od primjene određenih zahtjeva MRS-a 28

20O. Tačke 35.–36. MRS-a 28 *Ulaganja u pridružene subjekte i zajedničke poduhvate* nalažu subjektima da primjenjuju jednoobrazne računovodstvene politike kada se služe metodom udjela. Za godišnje periode koji počinju prije 1. januara/siječnja ~~2023~~2024. godine, međutim, subjekt može, ali nije dužan zadržati relevantne računovodstvene politike koje je primjenjivao pridruženi subjekat, odnosno zajednički poduhvat, kako slijedi:

(a) ...

...